



Uunga siunnersuut Ilinniartut ineqarfii pillugit Inatsisartut Inatsisaata allanngortinnissaa pillugu Inatsisartut Inatsisaat

(Ilinniartup toquneranut atasumik ilinniartut inaata attatiinnarallarnissaa, sungiusaammik suliffeqarallarnermut atatillugu imaluunniit ilinniariartorneq peqqutigalugu peqannginnermi ilinniartunut inissiap atugassiissutiginnissaanut pisussaaffiup erseqqissarnera, soraarummeerluni naggataarnermi atatillugu nuunnissamik piumasaqaatip saneqqunneqarnissaanut periarfissaanera kiisalu oqaatsitigut iluarsinerit)

(Meeqqanut, Inuusuttunut, Ilinniartitaanermut, Kultureqarnermut Timersornermut Ilageeqarnermullu Naalakkersuisoq)

(Siullermeerneqarnera)

Demokraatinut pingaartuuvoq, inuiaqatigiit sapinngisamik annertuumik inoqatinut pingaartitsinermik takutitsinissaat. Taamaattumik pitsaasuvoq, uani siunnersuummi qulakkeeratsigu, qimagaasut nuliaq/ueq imaluunniit aapparisaq aammalu meeraqarsimassappat meerai piffissaq pisariaqartitartik atorlugu allamik inissarsiornissaminnut periarfissinneqassasoq, ilinniartoq ilinniarnermi nalaani toqukkut qimaguppat. Naakkitsaanneruvoq piumasaqassalluni, aliasoreeqisoq qaavatigut inissaminik nutaamik ujarlissappat.

Inuppalaarneruvorlu aamma, qulakkeerneqarpat, ilinniartoq kollegieminiiginnarsinnaanera, ilinniakkami naammassinissaata tungaanut. Ilinniartut tamarmik, ilinniakkamik naammassisaqartut, naammassinerminni nalliuttorsiuutigineqartariaqarput.

Taamatuttaaq maluginiarparput, tusarniaaffigineqartut tamarmik siunnersuut ilalernartikkaat. Aamma uagut Demokraatit tungaanniit ilalernartipparput.

Siunnersutip akuerineqarnissaa innersuussutigineqarpoq suliareqqitassanngorlugulu Kultureqarnermut, Ilinniartitaanermut, Ilisimatusarnermut aammalu Ilageeqarnermut ataatsimiititaliami.